



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 31. Legati dicta a Synodo flocci habita.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

insuper non minus frivolum proposuit du-
 bium, nimirum, quod summum Pontifi-
 cem in propria Persona Synodo præside-
 re, omnino necessarium esset; cum ta-
 men in concordia cum Græcis erecta cla-
 ris verbis legeretur, Pontifici, vel per se,
 vel per suos Legatos Concilio interveni-
 re, liberum esse. Ex his de ore Le-
 gati perceptis, plures firmiter sibi persua-
 sum habebant, hunc data opera dissol-
 vendæ unionis ansam aucupari voluisse,
 aut verba ex aliorum suggestu concepta
 eo consilio sua fecisse, ut Græcis specio-
 sum a conventionis fide recedendi ob-
 tentum suppeditaret; cuncta enim, quæ
 allegaverat, omnino conventorum arti-
 culis opponebantur.

§. XXXI.

Legati dicta a Synodo flocci habita.

Synodus, quod res erat, suspicata eo-
 rum, quæ Legatus exposuerat, nullam
 habuit rationem. ea potissimum ex causa,
 quod Legatus demandatæ sibi provinciæ
 fidem suspectam reddidisset, cum non nisi
 simplici mandantis epistola munitus com-
 paruisset. Nihilominus ille ore ac cala-
 mo auctoritatem suam, ac dictorum fi-
 dem vindicare conatus est, & die quar-
 ta Februarii satis prolixam, ac latino ser-
 mone conceptam apologiam edidit. Sy-

R 2

nodi

Sæcul. XV. A.C. 1437. nodi Præses in superhabita Legati contatione, negotium ulteriori deliberatione commisit, ac ex præscripto sententiæ Concilio emanatæ jusjurandum exegit a Legatis, Avenionem ad id deputatis, ut mutuo datam pecuniarum summam pro advehendis Græcis necessariam recipere.

§. XXXII.

Congregatio de cautione ab Avenionensibus expetita.

*Panorm. de
Conc. Basil.*

Inter tot negotia, quænam primam vindicaret Patrum sollicitudinem, Synodo deliberatum est. Quidam judicabant, ante omnia agendum de indemnitate, quam Avenionenses petebant, ut de septuaginta ducatorum millibus quæ mutuo dare offerebant, sibi idonee caveretur, alii econtra sentiebant, non nisi facta integra harum pecuniarum numeratione, petitam cautionem esse præstandam. In diversa itaque euntibus Basileensium sententiis, ad componendam animorum dissensionem in Congregatione Generali die vigesima tertia Februarii ejusdem anni Synodus ejusmodi instrumentum confecit: *Pro felici expeditione Dominorum Ambasciatorum in Gra-*